

印鸞章修訂

明鑑綱目

世界書局印行

明鑑綱目目次

太祖高皇帝……………一

恭閔惠皇帝……………七一

成祖文皇帝……………九三

仁宗昭皇帝……………一二九

宣宗章皇帝……………一三三

英宗皇帝……………一五三

景皇帝……………一八七

英宗皇帝……………一二一

憲宗純皇帝……………一二一

孝宗敬皇帝……………二七三

武宗毅皇帝……………三〇一

世宗肅皇帝……………三四三

穆宗莊皇帝……………四二〇

神宗顯皇帝……………四三五

光宗皇帝……………五二五

熹宗哲皇帝……………五二三

莊烈帝……………五七七

明鑑綱目卷一

鹽城印鸞章校訂

●太祖高皇帝

帝姓朱氏名元璋字國瑞濠州鍾離人

先世家沛後徙句容宋季大父

徙居泗州父又徙鍾離

父世珍

追諡仁簡

母陳氏

追諡淳后

生四子帝其季也年十七爲

僧二十五起兵滁州初依郭子興後遂渡江克金陵以次平定東南

移師北伐凡十有五載而成帝業

綱戊申

元順帝至正二十八年明太祖高皇帝洪武元年是歲閏七月元帝出奔

春正月吳相國李善長等尊吳王朱

元璋爲皇帝國號明

元璋

先世家沛徙句容再徙泗州父世珍始徙

濠之鍾離母陳氏元璋始生室中數有光起比長姿貌雄傑志意廓然年

十七父母相繼歿孤無所依乃入皇覺寺爲僧至正十二年從郭子興於

濠州子興奇其狀貌留爲親兵戰輒勝明年收里中兵得七百人子興署

爲鎮撫與徐達湯和等略定遠下滁州得李善長與語大悅之留掌書記

十五年子興卒劉福通立韓林兒於亳檄元璋爲副元帥不受遂渡江拔

牛渚下太平取集慶路以次略定江左二十四年自立爲吳王建百官遂

降陳理執張士誠走方國珍盡有淮南浙東江西荆楚地二十七年命諸

將北定中原善長帥百官勸進乃以是年春正月乙亥祀天地於南郊卽

太祖建

得李善

武建元洪

立皇后

以李善
爲左丞
相徐達

湯和克
福建

皇帝位定國號曰明建元洪武追尊祖考爲皇帝

綱立妃馬氏爲皇后世子標爲皇太子

目后郭子興撫女也仁慈有智

鑒好書史帝既定江南吳漢接境戰爭無虛日 hands 緝甲士衣履佐軍嘗言治天下以不殺人爲本帝善之既卽位欲官后族后謝曰爵祿私外家非法力辭而止乃追封后父馬公徐王修墓置廟標后長子也

綱以李善長爲左丞相徐達爲右丞相

目善長少習法家言有智計帝

嘗從容問曰四方戰鬪何時定乎對曰漢高祖起布衣豁達大度知人善任五載成帝業今元綱旣紊天下土崩瓦解公濠產距沛不遠山川王氣公當受之法其所爲天下不足定也帝稱善諸將來歸者善長察其材言之帝復爲帝布款誠使皆得自安帝深倚之自將征討皆命居守轉調兵餉無乏嘗請立茶鹽法斟酌元制去其弊政用益饒而民不困帝稱吳王時拜右相國至是改官制尙左以爲左丞相

綱征南將軍湯和克福建元平章陳友定死之

目友定守閩帝命和由

明州海道取福州胡美由江西趨杉關而別遣使至延平招友定友定置酒會諸將殺使者瀝血酒中與衆酌飲之誓以死守已聞杉關破急分軍

爲二以一軍守福而自帥一軍守延平和舟師抵福之五虎門

在福建閩侯縣海中五虎

山下蟻附登城守將遁去參政尹克仁宣政使多爾瑪

舊作朵爾瑪今改

不屈死僉院

拜特穆爾殺妻女縱火自焚死時胡美已克建甯和遂進攻延平友定欲以持久困之諸將請出戰不許數請不已友定歎其部將殺一人軍士多出降者會軍器局災城中礮聲震地明師知有變急攻之友定呼其屬與訣退入省堂仰藥死所部開門納明師昇友定出水東門未絕也天大雷雨友定復甦械送京師入見帝詰之友定厲聲曰國破家亡死耳尙何言遂併其子殺之延平既下興化泉州皆望風附獨漳州路達嚕噶齊德爾密什回回自殺時稱閩有三忠謂友定拜特穆爾德爾密什也

閩有三忠
修女誠

綱三月修女誠

帝謂翰林學士朱升等曰治天下以正家爲先正家

之道始於謹夫婦后妃雖母儀天下然不可俾與政事嬪嬙之屬不過備職事侍巾櫛恩寵或過則驕恣犯分上下失序歷代政由內出鮮不爲禍惟智者能察之於未然其纂述女誠及古賢后妃事可爲法者使子孫知所持守

綱夏四月征南將軍廖永忠克廣東

永忠自福州以書諭元行省左

廖永忠
克廣東

友定死
節

丞何眞

字邦佐東莞人

曉譬利害眞卽奉表迎降永忠至廣州降盧左丞擒海寇

邵宗愚數其殘暴斬之廣人大悅馳諭九眞日南朱崖詹耳三十餘城皆

納印請吏又遣陸仲亨

潯人

略定清遠英德連州廣東悉平

綱征虜將軍徐達常遇春大破元兵於洛水北元梁王阿哩袞

察罕特穆爾之父

以

河南降

目徐達下山東會遇春於濟寧引舟師沂河趨汴梁守將李克

彝走左君弼珠占等降遂自虎牢關入元守將托音特穆爾以兵五萬陣

洛水北遇春單騎突陣元兵二十餘騎攢擗刺之遇春一矢噎其前鋒大

呼馳入元兵大潰追奔五十餘里梁王阿哩袞降嵩陝陳汝諸州次第略

定帝如汴梁改爲開封府召徐達至行在命率師北伐諭之曰中原之民

久爲羣雄所苦故命將北伐拯民水火元祖宗功德在人其子孫罔恤民

隱天厭棄之君實有罪民則何辜前代革命之際肆行屠戮朕實不忍諸

將毋肆焚掠妄殺一人元之宗戚咸俾安全庶幾上答天心下慰民望達

頓首受命帝尋還應天

綱都督馮勝克潼關

目既取河南李思齊張良弼

明史作張思道今仍從元史

合兵駐

潼關會火焚良弼營思齊移軍胡蘆灘

在陝西華陰縣渭水南

明師遂陷潼關思齊奔

徐達常遇春克河南

馮勝克潼關

楊璟克廣西

廣西平

徐達入大都

鳳翔良弼奔鄜城尋共推思齊爲總兵諸將皆以兵會之於鳳翔

綱六月平章楊璟克廣州 璟攻永州元將鄧祖勝斂兵固守璟分營

築壘造浮橋西江急攻之祖勝力盡仰藥死遂克永州以次定寶慶全州道州藍山諸州縣進攻靖江不下璟謂諸將曰彼所恃西濠水耳決其堤岸破之必矣乃遣將殺守隄兵盡決濠水築土隄五道傅城攻兩月會廖永忠朱亮祖自廣東陷梧州連破潯桂鬱林亮祖以兵來會總制張瑄約降璟與之白帽爲識夜半從寶賢門入執平章額爾吉訥舊作也兒吉尼今改移師彬州降兩江土官黃英岑巴延等永忠亦陷南寧象州廣西悉平

綱秋七月明師克通州元帝北去八月徐達入大都監國淮王特穆爾布哈死之元亡 徐達帥師發開封遣裨將分道徇河北地連下衛輝彰

德廣平次臨清使傅友德以輕兵先進開陸路通步騎顧時字時舉濠人浚河

通舟師會常遇春已陷德州合兵陷長蘆扼直沽作浮橋濟師水陸並進遂陷通州知樞密院事布延特穆爾力戰被執死之元帝于是詔淮王特穆爾布哈監國以慶同爲左丞相同守京師御清寧殿集三宮后妃皇太子議避兵北行左丞相錫哩瑪勒知樞密院事赫色舊作黑斯今改後仿此宦者趙巴

元帝北去

元亡

以應天為南京

建六部

劉基致仕

延布哈以為不可。帝不聽。巴延布慟哭曰：天下者，世祖之天下，陛下當以死守，奈何棄之？臣等願率諸軍民及諸集賽等出城拒戰。願陛下固守京城，卒不聽。夜半，開健德門北去。達陳兵齊化門。將士填壕登城入。淮王及左丞相慶同、平章德爾畢什舊作兒必迭、富森賽音布哈舊作朴賽因不花今並改、右丞相張康伯、御史中丞穆辰舊作川今改等，不降殺之餘，不戮一人。封府庫及圖籍寶物，令指揮張勝以兵千人守宮殿門。宦者護視宮人妃主，禁士卒毋侵暴吏民。安堵市肆不移。遣傅友德等分守古北諸隘口。元亡。

以應天為南京，開封為北京。
先是，帝幸汴梁，將營都而未果。及是，

既克元都，遂有是命。且下詔，將以春秋巡狩。
詔曰：朕觀中原土壤，四方朝貢，道里適均，其以金陵為南京，大梁為北京。

朕於春秋往來巡狩，肅告爾民，使知朕意。尋又命徙北平軍民於北京。

始建六部。
中書省初設四部，掌錢穀禮儀刑名營造之事。至是，定

置吏戶禮兵刑工六部，設尚書侍郎等官，仍屬中書省。
各部各設郎中、員外郎、主事、分理庶務。○考洪

武時設官建置，不在一時。今據明史百官志，舉其要者，隨時以書，餘不具載。

御史中丞劉基致仕。
初，帝北巡，命李善長與基留守中書省都事。

李彬犯法，基按之，罪當死。彬素附善長，善長請緩其獄。基不聽，奏上，竟殺。

徵元故官

陶安卒

詔求賢才

建大本堂

彬方奏至會祈雨善長曰禱雨可殺人乎基曰殺之天必雨遂斬彬由是善長銜基及帝還善長懇基專恣言基

壇下敬會基有妻喪遂告歸冬十一月手召基還

徵元故官至京師既至帝御奉天門召問元政得失馬翌對曰元

有天下以寬得之亦以寬失之帝曰以寬得之則聞之矣以寬失之則未

之聞也元季君臣耽於逸樂馴至淪亡其失在縱弛實非寬也聖王之道

寬而有制不以廢事爲寬簡而有節不以慢易爲簡施之適中則無弊矣

九月江西行省參政陶安卒安博涉經史帝渡江時首謁軍門陳

王道吳元年徵諸儒議禮命安爲總裁官諸禮多所裁定至是卒追封姑

孰郡公

冬十一月詔使訪求賢才以孔子五十六世孫希學字士襲封衍

聖公希大世襲曲阜縣知縣元時衍聖公秩三品帝謂禮部曰孔子萬世

師後嗣秩止三品弗稱其授希學秩二品賜銀印置衍聖公官屬曰掌書典

邱葵差書立孔顏孟三氏學教授學錄學尼山泗水二書院各設山人復孔氏子

孫及顏孟大宗子孫徭役其官屬皆衍

建大本堂延儒臣教授太子諸王上時臨幸商榷古今評論經史

徐達克太原

批亢擣虛

山西平

上嘗御文櫺。太子侍問近典儒臣講何史。對曰。漢七國事。上問曲直安在。對曰。曲在七國。上曰。此諸官一偏之說。景帝為太子時。以博局殺吳世子。及為帝。又輕聽鼂錯。黜削諸侯。七國之變。實由於此。若為諸子講此。則當言藩王當上尊天子。毋撓天子公法。如此。則為太子者。知敦睦九族。隆親親之恩。為諸子者。知夾輔王室。盡君臣之義矣。

十二月徐達克太原元庫庫特穆爾走甘肅山西平

達既定元都

進取山西常遇春先下保定中山真定馮勝湯和下懷慶度太行取澤潞

庫庫特穆爾遣將來禦戰於韓店在山西長治縣南楊璟大敗會元帝自開平前注見

命庫庫特穆爾復大都庫庫特穆爾乃引兵出雁門由居庸以攻北平達

聞之謂諸將曰庫庫特穆爾遠出太原必虛北平有孫都督時於北平置燕山六衛命都督

副使孫興祖會事華雲龍守之。○興祖濠人雲龍定遠人足以禦之今乘敵不備直擣太原所謂批亢擣虛

者也彼若還救太原進退失據必成擒矣諸將皆曰善乃率師趨太原庫

庫特穆爾至保安元州明廢復置今直隸涿鹿縣聞之果還救遇春謀於達曰我騎兵雖集

步卒未至驟與戰必多殺傷若夜襲之可得志達然之會庫庫特穆爾將

呼必勒瑪舊作豁鼻馬今改約降請為內應達夜選精騎襲其營庫庫特穆爾方然

燭治軍書倉卒不知所出跣一足乘驪馬從十八騎遁呼必勒瑪降得甲

十四萬遂克太原進收大同分遣馮勝等徇猗氏平陽降擒其守將榆次

平遙介休以次下山西悉平

綱己酉武洪二年春正月立功臣廟 帝親定功臣位次以徐達為首

次常遇春李文忠鄧愈湯和沐英胡大海字通甫馮國用勝之趙德勝濠人

耿再成字德甫華高舍山丁德興定遠人俞通海字碧泉濠人張德勝字仁輔人

良定遠人初名吳楨其弟初名國興後賜名曹良臣安豐人康茂才字壽卿人吳復字伯起人茅

成定遠人孫興祖凡二十二人立廟雞鳴山注見前下死者像祀生者虛其位

又以廖永安字彥敬永忠之兄俞通海張德勝桑世傑無為人耿再成胡大海趙德勝

七人配享太廟

綱倭寇山東此明倭寇之始

綱二月詔修元史 國大都既克得元十三朝實錄乃詔修元史以左丞

相李善長監修前起居注宋濂漳州府通判王禕字子充為總裁徵山林

隱逸之士汪克寬字德一胡翰字仲金華人陶凱字仲臨海人曾魯字德新淦人高啓字季

淵長趙汭字子常寧人等十六人為纂修帝諭善長等曰元初君臣機厚政務簡略典民休

民命顛危間有賢智之臣忠藎之士而不見信遂至土崩其間君臣行事有善有不賢民君子或隱或顯其言行亦多可稱者爾等務直述其事毋溢美毋隱惡以垂鑒戒閱六月

書成而元統以後之史未備乃分遣使者十二人往北平山東采遺事明

年續修仍以濂禕總其事先是元都破元翰林學士承旨危素趙所居報恩寺將入井寺僧大梓力挽之曰國史非公莫知公死是死國史也素遂止兵

帝御史庫往告鎮撫吳勉輩而出之元實錄得無失及素至京授翰林侍讀學士年已七十餘一日帝御東閣側室素行簾外履聲驟然帝問誰也對曰老臣危素帝晒曰朕謂是文天祥耳御史王著希旨論素亡國之臣不宜列侍從詔謫居和州守余闕廟歲餘卒○危素字太樸金谿人

元侵通

元丞相伊蘇侵通州平章曹良臣擊走之○大軍徇山西北平守備

單弱曹良臣守通州兵不滿千人伊蘇將萬騎營白河前注見良臣曰吾兵

少不可與戰當以計走之乃於瀕河舟中多立赤幟亙十餘里鉦鼓聲相

聞伊蘇驚遁良臣出精騎逐北百餘里元兵自是不敢窺北平

徐常徇關陝

三月徐達克奉元常遇春克鳳翔○元將李思齊據鳳翔張思道即張

真弼注見前孔興圖魯卜等駐鹿臺即鹿苑原在陝西高陵縣西南靈字記原上有鹿臺祠禱雨輒應以衛奉元徐達兵

入關思道遁去郭子興此郭子興一將輕騎直擣奉元守將棄城走御史桑

圖錫里郎中昂克舊作王可檢討阿什克布哈舊作阿失不花今並改三原尹朱春俱抗節

死桑圖錫里力窮不屈與妻子投崖死昂克仰藥死阿什克布哈自經死朱春將死謂其妻曰吾當以死報國妻曰君能盡忠吾豈不能殉節俱投崖死遂改奉元路

爲西安府時關中饑詔戶賑米三石民大悅遇春兵至鳳翔思齊奔臨洮

夏四月馮勝徇臨洮李思齊降○時張思道弟良臣守慶陽徐達會

諸將議所向皆曰張思道之才不如李思齊而慶陽易於臨洮請先慶陽

達曰不然慶陽城險兵精猝未易拔臨洮西控羌戎北界河湟得之其人

馮勝循臨洮

章溢卒

常遇春克開平

常遇春卒

足備戰鬪物產足佐軍儲蹙以大軍思齊不西走則束手就降矣臨洮既克于旁郡何有遂度隴克秦州下伏羌寧遠宋肅武縣今甘肅入鞏昌遣馮勝偪臨洮思齊果不戰降初思齊在鳳翔帝以書諭之且言若果能密去就當以漢待賈誼之禮遂奔臨洮琦私竊寶貨婦女逃匿山谷間思齊窮蹙遂降琦尋亦來歸思齊至京帝深慰之授江西行省左丞不之官久之遣往招諭庫庫特穆爾至則待以禮尋使騎士送之還至塞下辭曰主帥有命請留一臂思齊知不能免遂斷與之還未幾卒

綱五月御史中丞章溢卒 目溢與劉基並拜御史中丞時廷臣伺帝意

多尙嚴苛溢獨存大體不以搏擊爲能受詔赴閩擇鄉兵行至處州遭母喪乞終制不許鄉兵既集再乞終制許之哀毀卒帝痛惜親撰文祭之

綱六月常遇春克開平元常奔和林 目先是遇春下鳳翔詔還備北平

以李文忠副之至是遇春文忠帥步騎九萬敗元將江文清於錦州敗伊

蘇於全寧元置全寧路明廢故城在西北進攻大興州即興州金末嘗寄治利民鎮俗呼爲小興州故名此爲大興州注見前

分千騎爲八伏守將夜遁盡擒之遂拔開平元帝北走追奔數百里獲其

宗王齊克慎舊作慶生今改平章鼎珠等斬之凡得將士萬人車萬輛馬三千匹

牛五萬頭薊北悉平

綱秋七月征虜副將軍鄂國公常遇春卒於軍諡忠武詔李文忠領其衆

國遇春師還次柳河川

在直隸龍門縣西

暴疾卒年僅四十

遇春沈驚果敢善撫士卒摧鋒陷陣未嘗敗北雖不習書史用

兵輒與古合自言能將十萬衆橫行天下軍中稱常十萬長于大將軍途二歲聽約束惟謹一時名將稱徐常

喪歸帝用宋太宗喪趙普故事

臨於龍江

關名今在江蘇江寧縣西儀鳳門外

追封開平王

國八月元兵攻大同李文忠擊敗之

國文忠會徐達攻慶陽行次太原

聞大同圍急謂左丞趙庸

廬州人

曰闕外之事苟利於國專之可也遂出雁

門敗元遊兵於馬邑擒其平章劉特穆爾進至白楊門

在山西馬邑縣北

天雨雪已

駐營文忠引數騎入山察視疑其有伏遽令移前五里阻水以自固元兵

果乘夜來劫文忠下令先堅壁不動質明敵大至以二營委之殊死戰度

敵疲乃出精兵左右擊大破之擒其將圖魯卜俘戮萬餘人窮追至孟克

桑

方輿紀要在大同府邊外舊作莽哥蒼今改

而還

先是元帝北走屯噶爾布令圖魯卜孔興以重兵攻大同欲圖

知事無濟不復南向矣○按噶爾布舊作蓋里伯今改

國定內侍官制

國諭吏部曰內臣但備使令毋多人馭之之道當使畏

法勿令有功畏法則檢束有功則驕恣矣

國封王顥爲高麗國王

國先是顥遣使朝貢且請封遂有是命

國徐達克慶陽擒張良臣斬之陝西平

國達自臨洮下蘭州襲走元豫

封高麗國王

定內侍官制

李文忠擊敗元兵

徐達克
慶陽

張良臣
被殺

金興旺
固守

王盡收其部落輜重還出蕭關克平涼張思道懼使其弟良臣守慶陽而
自奔寧夏爲庫庫特穆爾所執良臣以慶陽降達遣薛顯肅人受之良臣先
出迎尋復叛襲傷顯達督兵圍之良臣之降也捷奏至京帝戒達曰張思道兄弟多譎詐勿墮其計中良臣果叛達謂諸將曰上明見萬里

外今日之事一如上諭然良臣叛紙取滅亡耳當與諸公戮力翦之良臣求援於庫庫特穆爾庫庫特穆爾遣將攻

原州陷涇陽爲慶陽聲援達遣馮勝拒驛馬關在甘肅慶陽縣西南舊有城敗其將哈扎

噶爾舊作韓扎兒今改等良臣被圍久數出戰不利糧乏絕至煮人汁丸泥嚙之守

者遂開門降良臣父子俱投井引出斬之良臣驍勇軍中呼小平章養子七人皆善戰軍中語曰不怕金牌張惟怕七條鎗金

脾張張思道驍將也良臣自以慶陽城高險且堅有井泉可據守倚寧夏庫庫特穆爾爲救援賀宗哲哈扎噶爾爲羽翼姚暉葛八爲爪牙故降而復叛以圖大功及被圍猶日開門出汲馳騁城

下達進營偪其四門由是不得逞其求援寧夏者父悉被獲將士相繼出降城遂破父子俱死時元賀宗哲攻鳳翔指揮使金興旺

與知府周煥嬰城守敵編荆爲大箕形如半舫五人負之攻城矢石不能

入投藁焚之輒颺起乃置鉤藁中擲著其隙火遂熾敵棄箕走復爲地道

薄城攻不已會百戶王輅收臨洮降卒還入城共守敵拔營去衆欲追之

輅曰未敗而還誘我也偵之至五里坡伏果發還師復圍城衆欲走興旺

叱曰天子以城畀我豈可去邪以輅所將皆新附乃括城中貲令曰敵退

當大犒新兵新兵喜協力固守持十五日敵聞慶陽下乃引去

宗哲寧夏人達遣馮勝